

دار الفنون

حقوق فائزین

مقوق ، اقتصادیات

ایکی آمدہ بر نشر اولنور

مندرجات

قسم مقوقی :

حق حبس حاجی عادل
لوزان معاہدہ سی معمر راشد
یکی تورکیا حقوق مدنیہ سی تدقیقاتہ مدخل صاوزه رمال (مترجلی) دانش سعید ، صدیق سامی

قسم اقتصادی :

استقراض و دیون عمومیہ عینی زادہ حسن تحمین

استقراض و دیون عمومی

مابعد

فرانسه ده تطبیقاتی . — امور تیسمان صندوقك تاريخی . — فرانسه ده فائض مرکب اساسی اوزرینه مستند اولان امور تیسمان معامله سی رستوراسیون زماندن اعتباراً ۱۸۷۰ تاریخنه قدر اولدجه قاریشیق بر تشکیلات ایله اجرا ایدلمشدر . بوندن امور تیسمان صندوقك مختصراً تاریخفی یازمق ممکن اولور .

اون سکزنجی عصرده فرانسه ده بر امور تیسمان صندوقی احداث و تأسیس ایتک ایچون موفقیتسز لکله نتیجه لشمش بر طاقم تشبثات واردر . امور تیسمان صندوقی دوامی بر طرزده آنجق سکزنجی سنه نك ۶ فریمه رنده تأسیس ایدلمشدر . مع هذا امور تیسمان بوصندوق ایچونده اوزمان آنجق درجه تالیه ده بر وظیفه ایدی . تأسیس ایدیلان شی اوله بر صندوق ایدی که بوکا تحصیلدارلرک نقدی کفالت آچهلری و دیگر مختلف منابعدن تحصیل ایدن پاره لر وضع اولنوردی . بوباره لر اشبو تحصیلدارلرک بلا واسطه ویرکولرک تحصیلات مستقبله سنه قارشی یازدقلری تحویلات ایچون بر تأمینات تشکیل ایلر ایدی . بوتحویلاتی بانکرلره اسقونطو ایتدیره رک خزینه احتیاجات عاجله سی ایچون مقتضی مبالغی تأمین ایدردی . بعض دفعه اشبو تحویلاتك بر مقداری وعده سنده تحصیلدارلر طرفندن تأدیه ایدلمدیکی ایچون اسقونطوجی بولمقده مشکلاته تصادف اولنوردی . بونك ایچون سکزنجی سنه ده تأسیس واحداث ایدیلن صندوق پروتستوایدیلن تحویلاتی اوده مکهمجبور ایدی . بومنابعك متبایسی اطقا ایچون رانت اشتراسنه حصر و تخصیص ایدلمش ایدی .

بالاخره بوصندوقه یاتیریلان پاره لر تزید ووظیفه سی توسیع ایدلدی : عین زمانده هم تحصیلدارلرک تحویلاتك کفالت صندوقی اولدی ، هم ده امور تیسمان وده بو صندوقی اولدی . شوصورتاه که آنجق اسماً بر موجودیتی اولان امور تیسمان وتوزیعات صندوقك اداره لری بوکون بیله بربریه قاریشیدیر لمقده در . ۱۸۱۶ ده امور تیسمان صندوقی دو قنور بر ایسك انکله ترده تطبیق اولنان اساسلرینه کوره تکرار تنسیق ایدلمشدر . بوصندوقه غایت واسع بر مختاریت بخش ایدلمش وحکومتدن آیری مستقل بر حاله قونلمشدر . اولایکرمی میلیون بعده قرق میلیون برپاره ویرلمش وبوباره لر و ارادت عمومی دن بعض اقسامك (پوسته لر ،

قیدیله لر، تمغا... الخ) صورت مخصوصه ده تخصیصی ایله طویلانمیشدر. بومبالغ ایله آمورتیسمان صندوق رانت تحویلاتی بورسه فیانیله ساتون آله حق، بونلری جزداننده صاقلایه رق فائضلری تحصیل ایده جک، بوتون بوفائضلری ده یکی تحویلات مبیاعه ایتمک ایچون استعمال ایله جک ایدی. بوسیستم بعض تعدیلات ایله ۱۸۶۶ سنه سنه قدر دوام ایتدی. ۱۰ مایس ۱۸۲۵ تاریخی قانونه نظراً اشتراک باشه فیاتی تجاوز ایدن، رانت تبدیلی حقنده اجرا ایله میده جکی تقرر ایله مشدر. [۱] فی الواقع حکومتک رانتیه لره باشه باشه تأدیه ایده بیله جکی ویا تحویل دیون تکلیف ایله بیله جکی تحویلاتی بورسه ده ۱۰۰ فرانقدن فضل برفیات ایله اشترایتمک کولونج اولوردی. ۱۰ مایس ۱۸۲۵ تاریخی قانونده عیفی زمانده $\frac{5}{100}$ فاضلی رانتی رانتیه نک آرزوسنه کوره یاباشه باش فیالیه $\frac{4}{100}$ فاضلی تحویلات ایله ویا خود ۷۵ فرانق فیات ایله $\frac{3}{100}$ فاضلی تحویلات ایله تحویل دیونه (اختیاری) مساعده ویرمکده ایدی. ۱۰ حریران ۱۸۴۳ تاریخی بر قانون اشترای معامله سنی مختلف پییده رانتیه تقسیم ایتمک ایچون آمورتیسمان پاره سنی درت خصوصی قسمة آیرمشدر: بری $\frac{5}{100}$ دیگر $\frac{1}{100}$ اوچنجیسی $\frac{4}{100}$ صوکنجیسی $\frac{3}{100}$ اکر بورانت تبدیلرندن بری باشه باش فیاتی کچرسه اوکا تخصیص ایدیلان پاره احتیاطه آتیر. بواحتیاطلر خزینئه مالیه نک صیقیتیلی زمانلرنده دولته ال اوزاته جنی بر منبع اولور ایدی. بنابرین تموز مونارشینسک صوکه سنه لرندن اعتباراً ایکنجی ایمپراطورلغه قدر آمورتیسمان آنجق غیر حقیقی بر شکله اجرا اولوندی، یعنی حکومتک آمورتیسمان صندوقدن کیزلی اوله رق عقد ایلدیکی استقرارله اجرا ایلدی.

۱۸۶۶ ده ۱۱ تموز تاریخی بر قانون آمورتیسمان صندیغی ایکنجی بردفعه تنسیق ایتدی. بوقانون صندیغه خصوصی بر بودجه ویرمش و بعض خدمات مخصوصه ایله صندیغی مکلف قلمشدر. بودجه سنده مثلاً بوجه آتی واردات بوانیور ایدی: دولت اورمانلرندن اجرا ایدیلان عادی و فوق العاده قطعیات حاصلاتی، دمیریولی نقلیاتی اوزرندن استینا اولنان $\frac{1}{4}$

[۱] ۱۸۲۵ قانونی آمورتیسمان مسئله سنده - موقتاً اولسون - ده صا غلام اساسلره عودت ایش ایدی. ۱۸۲۵ دن ۱۸۳۰ تاریخنه قدر اشترای ایدیلان رانت صندوقک تخصیصاتی قبارده جق پرده احاطه مشدر. لکن بونک عاملی اولان موسیو دو (ویلر) ک بونده هیچ برلیاقتی یوقدر. فی الواقع بومعامله فائض مرکب پرنسپینه قارشو بر تضردر. موسیو دوویلر ایسه ضرورتدن بحث ایده رک بومعامله دن اعتذار ایدبور ایدی. احاطه ایدیلان تحویلات اوزرنده تحقیق ایدن تخصیصات تصرفی مهاجرلره ویریه جک بر میلیاری تشکیل ایتمک اوزره واردات بودجه سنده کورنمکده ایدی.

وبرکی، امانت و ترهین صندوقلرینک تمتعائی، دولتک عمومی بودجه‌سنده، وار ایسه، فضله واردات و نهایت فائض مرکب برنسیپنک تطبیقه اشترا ایده‌جکی و جزدانلرنده صافلا یا جفی رانتلرک تخصیصاتی. صندوق بودجه‌سنک مصارفی ده بوجه آتی ایدی: مختلف بعض تقاسیط، اختیارلق ایچون تقاعد صندوقه رانت اشتراسی، دمر یوللرینه تأمینات اعطاسی و نهایت آمورتیسمان مقصدیله سنوی الك آشاغی ۲۰ میلیون مقدارنده رانت اشتراسی.

صنایغک معاملات ۱۶ ایلول ۱۸۷۱ تاریخلی قانون ایله تعدیل اولوندی. چونکه بو قانون آمورتیسمانک خصوصی بودجه‌سنی الفا ایله مش، رانت -زدانی تصفیه ایش و فیابعد آمورتیسمانه مخصوص تخصیصاتک عمومی بودجه‌یه ادخالق تحت قراره آلمش ایدی. [۱] نتایج. — فرانسه‌ده ۱۸۱۶ دن ۱۸۷۱ تاریخچه قدر تعقیب ایدیلن آمورتیسمان پولتیقه‌سنک نتایجی انکلترده حصوله کان نتیجه‌لرک عینی در. بو پولتیقه بورجی تنقیص ایتمه‌مشدر. زیرا یووارلاق رقمه ۱،۸۰۰ میلیونلق رانت صاتون آندینی حالد ۶،۸۰۰ میلیونلق بورج عقد اولومشدر. شوراسی محققدرکه استقراض میللرینه پک قولای ترک نفس ایدلمشدر. عادتاً آمورتیسمان صنایغک فضائله نصل اینانیله مقده ایسه استقراضده اویره اینانیلمشدر. بوندن بشقه دولت یوکسک بر فیئالته تحویلات اشترا ایدرکن آشاغی بر فیئالته یکی استقراض تحویلاتی اخراج ایدیور ایدی. بو صورتله ۱۸۱۶ دن ۱۸۲۵ تاریخچه قدر اشترا فیات وسطیسی ۸۰،۷۷ فرانلق اولدینی حالد اخراج فیات وسطیسی ۷۰،۶۵ فرانلق ایدی. تکمیل بودورده آمورتیسمان معامله‌سی آنجق ۱۸۲۵ دن ۱۸۳۰ تاریخچه قدر موجب ممنونیت برطرز اجرا ایدلمشدر. زیرا بوتاریخلرده استقراض عقد ایدلمه مش و بودجه لرفضله ایله قبادلمش ایدی. مقاوله‌یه مستند آمورتیسمان. — دو قنور پرایس طرفندن اغو اولنان فائض مرکب سیستمی مجبوری آمورتیسمانک مقرر و اتوماتیک بر اصولی دکلدر. بوندن بشقه بر اصولده واردرکه اوده مقاوله‌یه مستند بر آمورتیسماندر. بواصول استقراضاتی قابل اطفأ تحویلات صورتنده عقد ایتمکدن عبارتدر. ایستر عمری ایراد طرژنده، ایستر تقاسیط معینه سنویه ایله، ایستر قرعه کشیده‌سیله قابل اطفأ تحویلات طرژنده ایستره معین بر وعده‌ده اطفأ اولنه جق رانت اخراجی صورتنده دولت داینلریله عقد ایتدیکی مقاوله احکامنه تبعیته

[۱] آئیده کوره‌جکمز وجهله آمورتیسمان صنایغی ۲۶ تشرین اول سنه ۱۹۱۷ تاریخلی قانون ایله تکرار حال فعالیتیه وضع ایدلمشدر. اشبو قانون اخیر آمورتیسمان صنایغنه «مدافعه‌ملیه استقراضلرینه مظاهرت سرمایه» سنک اداره‌سنی تودیع ایله مشدر.

مجبور در . بو آمورتیسمان ایکی صورتله اجرا اولانه بیلیر . یا استقراضك عقدی ائتمسند
دولت بر آمورتیسمان طرز تسویه سینه قرار ویرر ؛ یا خود بعده دائمی بر بورجی وعده لی
بر بورجه تحویل ایلر .

بواصولك محاذیری . — مقاوله یه مستند بر آمورتیسمان حقنده بیان مطالعه ایتک
یوندن اولکی اصولدن دهه مشکلدیر . قابل اطفا استقراضلر ، طرز وشکلی نه اولورسه
اولسون ، پرایسک سیسته منده کی اساس تشکیل فائض مرکب حسابنک جلب ایتدیکی اعتراضات
وتنقید آندن مصوندر .

مع هذا قابل اطفا استقراضك بر محذوری وار که بالجمله اوتوماتیک و مجبوری اطفالره
شاملدر . اطفا ایچون پاره لازمدر ؛ اکر دولتك فضله پاره سی وار ایسه یعنی بودجه سی
فضله ایله قانیور ایسه بو پاره یی قابل اطفا بورجی اوده یه چکی یرده دیون دائمه سنک
اشراسنده استعمال ایلر . بالعکس ، اکر بودجه ده آجیق وار ایسه دیون دائمه سنک اطفاسی
تعطیل ایتک ممکندر . حالبوکه قابل اطفا استقراضك آمورتیسمانه دوام ایتک لازمدر .
زیرا بودولت ایچون مقاوله یه مستند بر واجبه در . یوندن شونتیجه چیقار که دولت آمورتیسمانه
مقتضی پاره دسترس اولق ایچون دیگر بر استقراض مذا کره سینه مجبور اولور . بو صورتله
تنقیص ایدمک ادعا ایدیلان بورجك علی حاله ابقاسی دکل علی الا کثر بورجك تزییدی
نتیجه سینه واریلیر . زیرا دولت قابل اطفا تحویلاتی باشه باش اوده دیکی ائتماده ، یعنی بالفرض
کندی رانتی ۱۰۰ فرانقه اشترا ایتدیکی وقت ، دیگر بورجی باشدن آشاغی بر فیأنله اخراج
یعنی ۱۰۰ فرانقدن دون بر فیأنله فروخت ایدر : یا خود باشه باش فقط اوده دیکی رانتدن
دها یوکسک بر فائضله اخراج ایلر که سنوی ویره چکی پاره دهه فضله اولور . بو سیسته مه
قارشى فکر مزجه الك قطعی والک جانی مثال حال حاضرده ۳٪ فائضلی قابل اطفا تحویلاتمرك
عرض ایتدیکی حالدر . هر سینه ایکی سه ری تأدیه سینه مقاوله ایله مجبور اولدیغمز جهته ۳٪
فائضلی بر بورجك اطفاسی ایچون ۱۰۰ فرانق ویریورز . حالبوکه ۱۹۲۰ سنه سنده دیگر طرفدن
۱۰۰ فرانق استقراض ایده رك ۶ فرانق فائضلی رانت احداث ایدیورز . اصلی و اساسی
اولان بو اعتراضدن باشقه مقاوله یه مربوط آمورتیسمانه پك آ ز مراجعت ایدلمه سی توصیه
ایچون دیگر ملاحظات واردر .

اولا بورجك قسم اعظمه شامل اولنجه دولت اوزرینه بودجه سی ایچون جوق آغیر
یوکر تحمیل ایتسی تهلکسی واردر . بناء علیه اکر ملتک ویرکولرینی تزیید ایدمک عقد

ابتدیی آمورتیسمان یوکری درجه سه چقارمق قابلیت ویا جسارتی یوق ایسه ، بودجه نك آچیق اولدینی زمانلرده کی آمورتیسمانلر حقنده اشارت ابتدیکمر محذور ، تکمیل وسعت وشمولیه تظاهر ایدر .

ثانیاً اگر سه کولانور مشتریلتادیه بریمی طولایسیله قابل اطفا استقراضلره یازیلرلر سه کوچك رانتیه لر ، هیج اولمازسه فرانسه ده علی الا کثر دائمی راتی ترجیح ایلرلر . چونکه بونك میخانیزمه سی ده آ از مغلقدر . شوراسی علاوه ایدلم که مقاوله یه مستند آمورتیسمان اصولی [بواصول محدود تقاسیط تادیه سیله بورجلانمق] [۱] ویاخود دائمی بردینی تقاسیط معینه سنویه ایله قابل اطفا بردینه تحویل ایلمکدن عبارتدر [تطبیقاندہ پك آ از مستعملدر . ذاتاً موقت پاره برقوللانمق کندی منفعتلرینه توافقی اتمین اشخاصه قارشو پك ده استعمال اولنه ماز . چونکه بویله کیمسه لرایچون بواصول سرمایہ نك غائب اولمش برطرز استعمالیدر . فی الواقع بودوات هر سته کندیلرینه ویریلان تقسیطی صرف ایدیلہ چك بر ایراد کی تلقی ایدرلر و بو تقسیطك کندی سرمایہ لرینی تکرار تأسیسه مدار اوله چق بر آمورتیسمان احصه سی اولدینی دوشونه مزلر . ادارات مالیه بالعکس بو حسابی یاپارلر . بناء علیه بو معامله نك آ از چوق وسعت کسب ایتمی ایچون آنحق بعض اداره لرك (تصرف صندوقلری ، شمندوفر قومپانیالری) جزدانلرنده بولنان رانتلر اوزرنده اجرا ایدلمی و بو اداره لرله دولت خصوصی بر مقاوله عقد ایتلمی در . بو تقاسیط شکلیله بعض خصوصی بورجلره تطبیق و بناء علیه استعمالی تحدید ایدیلنجه مقاوله یه مستند آمورتیسمان دولتک مناسبات مالیه سیله شمندوفر قومپانیه لری آره سنده نافع بر صورتله استعمال اولنه بیلر .

فوائدی . — شوراسی اعتراف ایتک لازم کبرکه آمورتیسمان مجبوریتنك عرض ابتدیی آغیر محذورلریاننده بر فائده سی ده وارددر . آمورتیسمان مصرفك بودجه نك آچیق اولدینی سنه لرده بودجه لرده مجبوراً یازلمش اولسی شایان تأفدر . بودجه ره فضله لق اولدینی سنه لرده یازلمسی ده بر سعادتدر . اگر پارلمنتولر آمورتیسمان مجبوریتله مقید اولسه ایدیلر فضله پاره لری علی الا کثری

[۱] تقسیط معین بر مبلغك تادیه سنه دیرلر . بومبلغ اولا بورجك فائضی ، ثانیاً بورجك سرمایہ سندن بر قسطنی حاویدر . بوقسم اوصورتله حساب اولنورکه تقاسیط معینه نك ختامنده سرمایہ مقرر ك ائنده تمامیه تکرار تأسس ایدر . بنابرین بورج اطفا اولنور . تقاسیط مختلف طرز تسویه لره کوره دکیشه بیلور . بعضاً ده ثابت اولور . ثابت اولدینی یعنی دائماً مساوی بومبلغ بولندینی زمان فائضی عمیل ایدن قسم هر سته اکسیلیر . زیرا بورج متراید بر صورتده اوده نمش اولور . و آمورتیسمانه اصابت ایدن مقدار ایسه بالنتیجه چوغالمش بولنور .

مصارفه تخصیص ایتمکی یا خود ویرکیری تنزیل ایله مکی ترجیح ایلرلر ایدی . چونکه بو صورتله هم مکلفله هم ده متخیله اموریتسمان دن دها آجیق و مرئی بر فائده کوسه ترمش اولورلردی . دیگر طرفدن بودجه لرده اموریتسمانه مقتضی تخصیصاتی نظر دفته آلمق مجبوری حکومتی و مجالس تشریعی، موازنه مالییه بی تأمین ایچون، دیگر مصارفدن تصرف ایتمکه سوق ایدر .

آمریقاده و انکلتزده مقاوله یه مستند اموریتسمان . — مجبوری اموریتسمان آمریقا بورج لرینک تنزینده مهم برول اوینامشدر . حکومت متحده دائمی رانته ترجیحاً بونولر تثبیتی قبول ایله مشدر . بونولر بعضاً معین وعده لرده اولجه تعیین و تثبیت ایدیلن وعده لرده اوده نیر افتراق محاربه سی انساننده اخراج ایدیلان همان بالمله استقراضلر « بش یکر می » یا خود « اون قرق » شکنده اجرا اولومشدر . یعنی دولت اموریتسمانی اخراج تاریخندن اعتباراً بشنجی و یا یکرمنجی سنه یا خود اونجی و یا قرقنجی سنه آره سنده ایستدیکی زمان یاپار . بوشکل مجبوری بر اموریتسمان شکلیدر . آنجق دولته معین بعض سنه لر ظرفنده اولوق اوزره تأدییه تاریخنک بالذات تعیینی صلاحیتی بر اقییر . مع هذا امریقاده بوتیپ استقراضلرک موفقیتی تأمین ایدن کیفیت بو قیل استقراضلرک خصوصی بر مشتریلری یعنی بانکرلر بولتمشدر . بوبانکرلر کندی بانقنوطرینک اخراجی ایچون تأمینات مقامنده حکومت متحده استقراض تحویلاتی تدارک ایتمکه مجبوردرلر . دیگر طرفدن بودجه فضله لری اموریتسمانه مقتضی مبالغی دائماً تأمین ایله مشدر .

انکلتزده دخی مقاوله یه مستند اموریتسمان سیستمی کمال موفقیتله استعمال ایله مشدر . انکلتزده بوسیستمک مختلف تطبیقاتی واردر .

۱۸۰۸ ده دائمی رانتلرک یا خود اوزون وعده لی بورج لرک بر ویا ایکی رأس اوزرینه عمری رانتلره اختیاری و دائمی اوله رق تحویلی سیستمی تأسیس اولمشدر . افراددن بر شخص خزینیه نقداً بر سرمایه تودیعی مقابلنده کندیمی ایچون عمری بر رانت تأسیس ایده یلور ایدی . بوسرمایه ایله دولت پیاسه دن دیون دائمه تحویلاتی مبیاعه ایلر ایدی . الیوم دخی جاری اولان بوسیستم آبی نتیجه لر تولید ایتدی . زیرا ۱۸۰۸ دن ۱۸۹۰ تاریخه قدر دولت بوضورنه ۱،۴۰۰ میلیونلق اسهام عمومی صاتون آلمشدر .

دیون دائمه نک معین زمانده ختام بوله جق تقاسیط ایله تحویلی معامله سی دخی انکلیزلر طرفندن موفقیتله تطبیق ایدلمشدر . بو وادیده ک واسع معامله ۱۸۶۳ ده غلادستون طرفندن، ۱۸۸۳ ده رقیبی

موسیو شیلدر طرفین اجرا اولمیشدر. اشبو معاملات تصرف صندوقلرینک پارملرینی اداره ایدن National Debt Office ک رانت جزدانلریله تودیعاتی و کفالت آقملرینی تمرکز ایتدیرن سرای قرالی تشریفاتیجیسنک جزدانی اوزرندن اجرا ایدلمیشدر. بوجزدانلرک تروتی ۱۸۶۳ ده دولنک احیا ایتدیکی و ۱۸۸۵ سنه سنده ختام بولاجق تقاسیط ایله تبدیل ایلدیکی رانتلرک بر مقدار معینی اشترا ایتمهک بلا محذور مساعد ایدی. بوتقاسیط علاقه دار اولان اداره لر جانبدن بورسهدن رانت تحویلاتی اشتراسنه تخصیص ایدیلور ایدی. بورانتلرده تقاسیط معینه نك ختامنده جزدانلری ابتدا کی وضعیته کتیره جك ایدی. صکره بوعملایانه تکرار باش-الایله بیلیردی. ایشته بویکیفیت ۷ نیشان ۱۸۸۳ تاریخلی بر قانون ایله قاعده اتخاذ اولونمش ایدی. بوکا مشابه بر معامله ۱۸۹۹ - ۱۹۰۰ تاریخنده سیر م. هکس بیچ طرفندن تکرار ایدلمیشدر. مع هذا بوراده بو طرز تسویه لرك تفصیلاتنه و معروض قالدقلى مختلف تعدیلاته کیریشه مه یز. حربدن اولکی بودجه مشکلاتی حکومتی تقاسیط سنویه نك تنزیلنه و بالنتیجه مدتی تمیدمه مجبور ایلمیشدر. نه اولورسه اولسون تقاسیط معینه محدودیه تحویل تقریباً اوج میلیاردلق دین دائمی یی قابل اطفادینه تبدیل ایتمشدر. فرانسه ده مقاوله یه مربوط امور تیسمان - فرانسه دخی مقاوله یه مربوط مختلف امور تیسمان اصولاری تطبیق و استعمال ایلمیشدر: دیون دائمه نك دیون عمریه یه تحویلی - تقاسیط معینه محدودیه - معین کشیده لرله قابل اطفاء استقراضلر.

اولادیون دائمه نك دیون عمریه یه تحویلی - دیون دائمه نك دیون عمریه یه تحویلی اختیارلق ملی تقاعد صندوقنك وساطتیه اجرا ایدلمیشدر. ۱۸۵۰ ده تأسیس و تودیعات و کفالت صندوقی طرفندن اداره اولتان بوضندق افرادك تودیعاتی قبول ایدیلور و بونلره مقابل معین بریاشدن اعتباراً تأدیه ایدلمك شرطیه بر ایراد عمری تأمین ایدیلور ایدی. بو ایراد رسمی بر تعرفیه کوره حساب اولنور ایدی. اشبو صندوق تکمیل منابع وارداتی دولت رانتیه یاتیر ایدی. بر ایراد عمرینك تأدیه سی ایجاب ایتدی خزینه بواشی یا منی درعهده ایدر. و صندوق ده بورانتك تشکل و تأسیس سرمایه سی خزینه به ویرایدی. بونك ایچون صندوق جزدانندن افراز ایدره ك بر مقدار دائمی رانت تودیعی ایلر ایدی. بودائی رانت وعده سی کلن تقاسیط سنویه نك اسقونطو ایدلمش قیمتی ارانه ایلر و اشبو تقاسیط سنویه نك محتمل اولان عددی دخی و فیات تابلولرنده ارانه ایدلمش بولنور ایدی. بورانت هان احیا اولنور ایدی. ۱۸۵۰ دن ۱۸۸۳ تاریخنه قدر بوضورتله ۱۲ ۱/۲ میلیونلق رانت احیا اولمیشدر.

لكن تقاعد صندوقك تعرفه لری مشترک لرایچون يك كارلی اولوب ضررله تأسس ایلرایدی .
بونك ایچون تشکیلات مالیه سی ۱۸۸۳ ده تعدیل ایدلمشدر . فیما بعد صندوق تسلیماتی بالذات
سرمایه یه قلب ایلر و تقاعد پاره لری یوکسك اولان بر تعرفه یه کوره دکل واردات حقیقیه سیله
کندیسی اودر . دولت صندوقك اوغرا دیغی ضرر لری تلافی ایچون ۳٪ فاضلی قابل اطفا
بررانت و برمشدر . بورانتك قیمتی اشبو صندوقك خزینه یه ویردیکی و خزینه طرفدن
احا ایدیلن رانت قیمته معادلدر . بو ایراد عمری یه تحویل سیسته می مع التأسف ۱۸۸۳ ده
قطع ایدلمشدر . تطبیق ایدیلدیکی دورلرده الده ایدیلن نتایج احا ایدیلن تحویلاته معادل
تحویلاتك صندوقه رد و اعاده سیله دیگر طرفدن اخلاص و احا اولمشدر . مع هذا صندوق
خزینه یه دیون دائمه راتی و یروب قابل اطفا رانت آلدیغی جهتله هیچ اولمازسه وعده لی
بربورج یرینه دائمی بربورج اقامه ایدلمشدر .

عینی زاده مسه محسن

علم مالی و قوانین مالیه مدرسی

